

漢

書

注

校

補

漢書注校補卷九

長沙周壽昌學

景武昭宣元成哀功臣表第五

乃有弓高襄城之封

顏注云襄城侯桀龍壽昌案襄城侯韓嬰卽韓王信太子之子頽當之從子也傳名嬰表作哀侯嬰此注稱桀龍則係武帝元朔四年以匈奴相國降封襄城侯非孝文時且非功臣後與班氏所引不合

俞侯欒布

壽昌案本傳俞作鄒卽地志清河郡之鄒縣也布薨於位應有謚傳未載表亦闕也侯賁嗣坐爲太常雍犧牲不如令免史表雍作廟雍爲右扶風之縣有五時祠故屬太常

也

建陵哀侯衛綰

史表哀作敬壽昌案本書傳謚曰哀也

建平敬侯程嘉

史表敬作哀

平曲侯公孫渾邪

平曲索隱云案漢表在局城壽昌案今表無之地志有兩平曲皆屬東海齊氏召南謂一郡不應有兩平曲此平曲當是曲平後書萬脩傳紹封脩曾孫爲曲平亭侯亦其證也水經河水注作西平或因曲西字近而誤耳史表渾作昆

江陽康侯蘇息

史表息作嘉水經江水注同徐廣曰蘇一作籍懿侯廬嗣
徐廣曰懿一作哀

還侯橫

遽史表同 殿本作據索隱云案漢表鄉名在常山壽昌
案今表無之有罪棄市史表作國除不云棄市也

新市侯王棄之

史表棄作康父悍史表悍作愼湯侯始昌嗣史表湯作煬
棄之應有謚史闕

商陵侯趙周

商陵索隱云漢表在臨淮壽昌案今表無之地志臨淮並
無商陵縣本書張蒼傳亦作商陵百官表作南陵尤非南
陵屬京兆尹不能以封國也惟史記將相名臣表張蒼傳

作高陵地志爲琅邪屬縣商與高亦字形近而譌也若左
馮翊之高陵則不能以封也

山陽侯張當居

壽昌案此爲河內郡之山陽縣非山陽郡郡不以封侯也
桓侯賜

索隱云縣名屬河東壽昌考地志垣爲河東郡之第十三
屬縣而水經聖水注云垣水出良鄉東逕桓縣故城北涿
有垣縣漢景帝封匈奴降王賜爲侯國卽指此也史表桓
作垣垣桓一音古多通段也

道侯陸彊

道史表作道遁古字通也史表陸作陸索隱本作李陸彊
容城擒侯徐盧

史表作侯唯徐盧康侯繼嗣史表繼作綽

翁侯僕黜

史表翁作易黜作縣案黜卽黠本字

范陽靖侯范代

史記作端侯代

翁侯邯鄲

翁地志闕表注內黃蓋卽其鄉也坐行來不請長信免壽
昌案春日朝秋日請宣帝紀時會朝請吳王濞傳使人爲
秋請是也音去聲

亞谷簡侯盧它之

史表它之作它父侯種嗣史表作安侯種康侯漏嗣史表
漏作偏

塞侯直不疑

壽昌案本書傳謚曰信侯此闕宜補入

特轅侯樂

史表作特裝壽昌案索隱曰漢表裝作轅則是司馬貞所見漢書作持不作特也

昌武侯趙安稽

昌武 殿本及各本作武昌史表同惟毛本作昌武考地志昌武爲膠東之第二屬縣表注舞陽或其鄉之名也武昌則地志無此名又史表作武昌堅侯是有謚也此表脫擊左右王史表作左賢王疑史表爲是

襄城侯樂龍

史表樂作無又云一作乘侯以戰死事應有謚此與史表

俱脫也侯病已嗣案病已與宣帝初諱同以侯死在武帝朝又宣帝已更諱故史臣不必追改也

安樂侯李蔡

史表安樂作樂安本傳亦作樂安壽昌案地志無安樂有樂安縣屬千乘郡水經注八以爲李蔡所封也若匡衡之樂安則臨淮郡之僮縣樂安鄉非此縣表注昌考地志昌爲琅邪屬縣是或昌縣之鄉也

軹侯李朔

史表作涉軹壽昌案此卽地志河內郡之軹縣猶涉安侯於單卽平原郡之安也史表加一涉字者當時語也表注西安未喻

隨城侯趙不虞

攻辰吾先登石臺史表辰作農臺作累

博望侯張騫

道水史表作水道

衆利侯郝賢

戈卒史表作戌卒壽昌案此當是脫戌字之半誤作戈也

潯悼侯王援訾

史表援作煖作悼侯趙王煖訾壽昌案以匈奴趙王降侯是尙存匈奴舊王號也此書於名上刪去趙字而見匈奴趙王於表注中是也似宜並王字刪去

從票侯趙破奴

壽昌案破奴以元狩三年夏封從票侯元鼎五年坐酎金免後二年以匈奴將軍封浞野侯後爲匈奴所得沒其軍

居匈奴十年逃歸此表仍從其初封稱之也匈奴將軍今表作匈奴河將軍與匈奴傳同本傳作匈奴省文也傳又云攻胡至匈奴水無功卽此

煇渠忠侯僕朋

僕朋匈奴傳注作僕多雷電作雷屬國都尉傳作決眊都尉又史表朋亦作多雷電作電無雷字

下摩侯譚毒尼

史表摩作摩

濕陰定侯昆邪

史表濕作濕壽昌案濕故濕本字顏音吐合反魏侯蘇嗣索隱曰蘇名謚法克捷行軍曰魏

煇渠慎侯應朮

史表作悼侯扁訾素隱曰漢表作悼侯應庀庀音必二反
壽昌案表作慎作庀則司馬所見漢書本與師古異也煇
渠不見地志下注魯陽爲南陽郡屬縣是或魯陽之鄉也
元狩二年二月封僕朋七月又以封應庀亦一地而析戶
以封之也

河綦康侯烏黎

史表黎作犁壽昌案素隱曰漢書作禽犁此作烏犁則司
馬所見亦非今漢書本也

常樂侯稠雕

史表作常樂肥侯肥或其謚然肥於謚法不見殆字誤也
故此表刪之

邳離侯路博德

史表作符離地志爲沛郡之縣也邛字恐有誤得重會期
史表作將重會期

義陽侯衛山

壽昌案朝鮮傳云山以諭右渠降事中變被誅與表所云
太始四年坐教人誑告衆利侯當時棄市罪獄未斷病死
情事不合

杜侯復陸支

史表杜作壯或云壯字誤也一云杜地名壯其謚也侯在
位薨應有謚

衆利侯伊卽軒

史表作質侯謚也此表脫

散侯董舍吾

合史表作茶

臧馬康侯雕延年

史表無雕字廣韻及通志雕姓引此爲證

臧侯次公

臧史作臧

術陽侯建德

壽昌案南越傳云立明王長男粵妻子術陽侯建德爲王
表云爲高昌侯

龍侯摎廣德

傳作藥侯史記作龍亢侯又無摎字

咸安侯韓延年

父千秋傳作故濟北相延年元封六年坐爲太常行大行

令留外國書一月乏興入穀免壽昌案百官表典客景帝中六年更名大行令武帝太初元年更名大鴻臚又更行人爲大行令表於元封五年下云二年坐留外國使人一月入粟贖論知是年不得有大行令官稱也此宜改從之而宋氏祁轉引此證彼之誤亦失之未考也

驂侯駒幾

史表駒一云騎

瞭侯畢取

瞭史表作瞭案前有潦悼侯表注舞陽瞭侯次公注同此
瞭侯注南陽疑南字誤蓋皆舞陽之鄉也史表作潦瞭瞭與瞭同一字也方輿紀要舞陽東有潦河地或卽以潦水得名而傳寫各異耳

安道侯揭陽定

揭陽定傳作史定壽昌案揭陽爲所令地史其姓定其名也或曰揭陽令史史字屬上亦官名非姓也此表明稱揭陽令則不得云令史

隨枕頃侯趙光

史表無頃字

湘成侯監居翁

監居翁監其官居姓翁名也湘成傳作湘城

海常嚴侯蘇宏

嚴史表作莊

外石侯吳陽

外石兩粵傳作卯石史表作北石表注濟陽索隱云漢表

作濟南疑南字誤也

下鄆侯左將黃同

鄆史表作鄆水經湍水注云湍水流逕故城東史記所謂
下析鄆也漢武帝封左將黃同爲侯國是當從史作鄆若
左馮翊之鄆縣不能以封也傳作歐駱將左黃同非也當
从表作左將

繅婁侯劉福

橫海將軍韓說擊東越非南越也表作南誤案劉福卽城
陽共王子封海常侯者也詳在王子侯表

菟兒嚴侯轅終古

菟史表作菟傳作語轅傳作樓

開陵侯建成

建成傳作敖此作建成非也壽昌案建成爲東越故封敖乃其名或卽以建成爲姓猶趙兼之後改姓周陽耳

臨蔡侯孫都

孫都傳作都稽水經河水注云臨羌縣故城北漢武帝元狩元年以封孫都爲侯國壽昌案此作臨蔡非臨羌又元封非元狩則水經注誤也地志無臨蔡而表注河內蓋其鄉亭之名也

東城侯居股

城傳作成股史表作服

涉都侯喜

南越傳內無喜名壽昌案喜史表作嘉水經汚水注云封南海守降子嘉爲侯國知此喜字誤也

平州侯王映

史表無王字

荻苴侯韓陶

荻傳作秋史記傳作荻史表仍作荻陶史記作陰

驪茲侯稽谷姑

右苴史表作若苴

浩侯王恢

史記集解引徐廣曰恢亦作怪

輒譚侯杆者

杆史表作扞音烏

幾侯張路

張傳作長無路字

涅陽康侯最

涅陽表注齊考地志爲南陽郡之第七縣似不能在齊也

涅傳作涅史表作溫皆字譌也

開陵侯成婉

匈奴傳開作閭

稭侯商邱成

壽昌案稭卽說文之廐字地志濟陰郡稭縣也昭帝時封金日磾卽此表云商邱成坐爲詹事侍祠大不敬自殺百官公卿表大鴻臚商邱成爲御史大夫四年坐祝詛自殺武帝本紀亦作御史大夫與此表異

重台侯莽通

壽昌案莽本姓趙爲馬服君趙奢後故易姓馬也通鑑作

馬通故注云明德馬皇后惡其先有反者故易其姓爲莽
姓此說本孟康見武帝後元元年紀注馬援卽通之後人
見後書馬援傳班於本書紀表各傳內俱作莽通遵明德
之詔也惟武帝紀征和三年昭帝紀始元二年西域傳下
卷征和四年三處俱作馬通則班書偶漏未改者也

德侯景建以長安大夫從莽通共殺如侯得少傅石德侯

壽昌案劉屈氂傳作長安男子景建不作大夫

題侯張富昌以山陽卒與李壽共得衛李侯

壽昌案衛李之李係太子二字訛以太子連寫作一字遂
爲李也今 殿本已校正作太子壽昌案表書衛太子亦
班史隨筆處不如從傳書作戾太子爲是

韓陽侯江喜

壽昌案史褚表轅作潦昭帝紀百官公卿表田廣明傳俱作江德不名喜史記褚先生補表亦作德水經淇水注轅陽作榆陽云漢武帝封太常江德爲侯國疑德有二名如周章又稱周文柴武又稱柴唐梁懷王名揖又名勝此類甚多侯仁嗣永光四年坐使家丞上書還印符隨方士免郊祀志轅陽侯師張宗之姦方士卽宗也

當塗康侯魏不害

壽昌據田廣明傳不害以捕反者故城父令公孫勇侯非捕倩也捕倩者乃田廣明史褚表亦作捕公孫勇此表作捕反者胡倩侯與傳不合

蒲侯蘇昌

壽昌案田廣明傳昌亦捕反者公孫勇侯史褚表亦作捕

公孫勇表作捕越王子鄭起侯亦與傳異

秭敬侯金日磾

侯賞嗣史褚表作子宏代立爲奉車都尉

戈陽節侯任宮

表作故丞相徵事史褚表作以故上林尉

商利侯王山壽

宣帝紀作王壽史褚表作王山

義陽侯傅介子

侯在位薨應有謚傳脫去故表亦從之表云嗣子有罪不得代史褚表作子厲代立爭財相告有罪國除

安遠繆侯鄭吉

神爵三年四月壬戌封壽昌案下書歸德靖侯先賢擇四

月戊戌封考四月既有壬戌卽不得有戊戌表書日有誤也

信成侯王定

壽昌案通鑑考異以此卽烏厲溫敦之子烏厲屈不知何據屈不獨不聞易名王定且係封新城侯非信成侯也本注云以匈奴烏桓屠耆單于子而表書厲溫敦爲匈奴諱連累單于亦非屠耆也左大將軍疑衍一單字匈奴官止有左大將無左大將軍也

義陽侯厲溫敦

壽昌案傳作烏厲溫敦此無烏字烏厲恐是其國中姓其子名烏厲屈也表云諱連累單于案傳厲溫敦並未爲單于顏注云諱連累者其官號也宣帝紀匈奴傳俱作呼連

果連與邀字近而譌也

孫衍齡謹父

漢書注校補卷十

長沙周壽昌學

外戚恩澤侯表第六

周呂令武侯澤

更封鄜侯史表作鄜案鄜屬左馮翊爲畿縣不能以封或漢初制未定且呂后家不在常制也歷史作鍾汝史表作郊

扶柳侯呂平

史記表作昌平水經膠水注作扶縣卽地理志琅邪郡之却也

呂成侯呂忿

成水經淮水注作城壽昌案忿以反誅不得謹成也

建陵侯張釋寺人

史表釋作澤

鄔侯駟鈞

鄔縣案地志屬太原史表作清都侯文帝紀封爲靖郭侯
顏注云豈初靖郭後改爲鄔乎壽昌案清都字與靖郭亦
相近又此表元年四月封文紀作六月則鄔之封在先也
章武景侯實廣國南皮侯實彭祖

壽昌案章武南皮俱孝文後七年封列入孝景何也彭祖
在位薨宜有謚表亦脫去

蓋靖侯王信

壽昌案史表無頃侯充一代侯受史表作侯偃

武安侯田蚡周陽懿侯田勝

武安周陽俱以孝景後三年封不宜列入孝武蚡在相位
薨未予謚檢傳知非表脫也

平津縣侯公孫宏元朔三年十一月乙丑封六年薨

壽昌案宏傳云元朔中代薛澤爲丞相先是漢常以列侯
爲丞相唯宏無爵上於是下詔封爲平津侯是先拜相後
封侯明矣而百官表元朔五年御史大夫公孫宏爲丞相
較此表三年則先兩年已封侯且三年宏始爲御史大夫
無封侯理必是此三年爲五年之誤又武帝紀元狩二年
丞相宏薨本傳云凡爲丞相御史六歲年八十終丞相位
蓋合丞相御史爲六歲其實拜相封侯止三歲也此云封
六年薨是誤三字爲六字侯度嗣史表度作慶又案申屠
嘉爲丞相後始封爲故安侯此在文帝時似不始於宏但

嘉本闕內侯食邑以爲相晉封列侯視宏小異耳

周子南君姬嘉

君置嗣史表置作買壽昌案以君列表中者惟此

富民定侯車千秋

壽昌案褚表作田千秋是也車丞相係人呼之班氏於傳首及表俱作田千秋或於他傳中稱車丞相幾若以車爲氏而忘其姓田者似非體

安平敬侯陽敞

本傳與史表俱作楊獨此表作陽疑誤也

營平侯趙充國

壽昌案表王曾孫岑以非子免侯國除止而充國傳云元始中修功臣後復封充國會孫仍爲營平侯表未載考功

臣表義陽傅介子曾孫長以元始四年紹封營平之復封
當同此時

平邱侯王遷

褚表云坐受諸侯王金錢財漏洩中事誅死國除與此表
云自殺有異

陽城侯田延年

坐盜都內錢自殺案百官表司農屬官有都內

高平憲侯魏相

褚表作長子賓代立

平昌節侯王無故

褚表作王稚君其字也水經河水注亦作王稚君

陽城穆侯劉德

壽昌案德爲元王之曾孫以宣帝立時定策功封非因元王後嗣爵不能入王子侯表又以宗室非武功不能竟入功臣表故列之此表中

樂陵安侯史高

褚表作史子長高字也壽昌案地志臨淮平原並有樂陵縣而臨淮郡注侯國當是史高所封

邛成共侯王奉先

褚表云奉光又云奉光初生時夜見光其上傳聞者以爲當貴云後果以女故爲侯壽昌案乾道本汪本俱作奉光與褚表同觀下侯堅固以奉光曾孫云云知先字傳寫誤也 殿本正作奉光

將陵哀侯史魯

褚表作子回曾字也曾字當是曾字之誤壽昌案 殿本

正作史曾

平臺康侯史玄

褚表作子叔玄字也

博望頃侯許舜

褚表云許中翁名舜

樂成敬侯許延壽

褚表作樂平又云許翁孫以平恩侯許廣漢少弟故爲侯
封二千戶孫爲疆弩將軍擊破西羌還更拜爲大司馬光
祿勳亦故有私恩故得封嗜酒好色以早病死子湯代立
壽昌案翁孫或亦其字然不云其名延壽也

博陽定侯丙吉

褚表作邴又云子翁孟代立

西平安侯于定國注臨淮

壽昌案西平爲臨淮郡屬縣是也水經注以爲汝南之西平宜从表爲正

陽平頃侯王禁

褚表云王稚君名傑是與王武同字稚君也案此卽元后之父漢後諱禁中作省中以此

樂安侯匡衡注僮

壽昌案衡傳衡封僮之樂安鄉故表下注僮明非干乘郡之樂安縣也僮爲臨淮郡屬縣

高樂節侯師丹注新野又注東海

壽昌案高樂本勃海郡屬縣表注新野者或是新野之鄉

名高樂非勃海郡之縣也迨丹以罪免後復以厚邱之中鄉戶二千一百封爲義陽侯義陽是厚邱鄉名厚邱則東海郡屬縣也

褒魯節侯公子寬

注以周公世魯頃公孫之元孫奉周祀侯二千戶壽昌案地志泰山郡桃山莽曰褒魯公子寬爲平帝元始元年六月封尙爲漢朝新莽未篡位何以遽用所更名封之耶注曰南陽平考地志泰山郡有南平陽或偶誤倒耳公子後更公孫氏又更姬氏則皆莽所爲無足爲據又案王子侯表城陽頃王子桃山侯欽則成帝永始四年所封地志注桃山爲侯國以此

孫衍齡謹校

漢書注校補卷十一

長沙周壽昌學

百官公卿表第七上

表上顏注漢制三公號稱萬石云云

壽昌案顏引漢制百官奉自萬石至百石凡十五等而無
八百石比八百石五百石比五百石四等考續志及續志
注引荀綽晉百官表注亦然而本表諫大夫比八百石貢
禹傳作八百石黃霸傳宣帝以霸爲潁川太守秩八百石
京房傳元帝以房爲魏郡太守秩八百石外戚傳序七子
視八百石比右庶長良人視八百石比左庶長又表縣減
萬戶爲長秩五百石是不能謂無此四等秩也考成帝本
紀陽朔二年夏五月除吏八百石五百石秩注李奇曰除

八百就六百除五百就四百自是漢制遂除去此四秩後漢及晉猶承之又八百石僅諫大夫一官左右庶長爵不常置五百石僅縣長一官皆易於省并何煌以顏注爲脫漏者非也

相國丞相皆秦官掌丞天子助理萬機

通典職官引漢官儀云相國丞相皆六國時官壽昌案秦悼武王二年初置丞相以樗里疾甘茂爲左右丞相通鑑趙武靈王二十七年肥義爲相國胡三省注相國之官始此秦漢因之是秦始皇尊呂不韋爲相國在其後且因趙制史記周本紀蘇代見韓相國云云索隱相國公仲侈也是韓亦有相國故漢官儀云六國時官也表云秦官微誤高帝卽位置一丞相十一年更名相國

壽昌案漢初惟蕭何拜相國以令卒五百人一都尉爲相國衛曹參繼之後遂不復設又案此稱十一年置而表下卷云九年丞相何遷爲相國考蕭何傳上聞已誅信使使拜丞相爲相國案韓信之誅在高帝十一年是表下卷之誤宜以此與何傳爲據也

文帝二年復置一丞相有兩長史秩千石哀帝元壽二年更名大司徒

壽昌案史記將相表云孝景元年置司徒官是漢初故有司徒至哀帝始加大字也

武帝元狩五年初置司直秩比二千石

黃國瑾曰通考丞相司直文帝二年置漢

舊儀作二千石

壽昌案丞相官屬尙有散見本書者丞相徵事

功臣表任宮以丞相

徵事捕斬反者漢儀丞相史尹咸孫禁嚴安漢舊儀秩四

傳嚴延年本嘗與義為丞相丞相少史王壽見昭帝紀王

史見嚴延年傳義孤義也丞相少史禁見五行志如氏

秩四百石東曹掾為東曹掾西曹掾蕭由為丞相西曹掾

集曹掾匡衡補陸奏曹匡衡傳主簿陸議曹李尋見翟主

簿陸賜見大車屬鄭崇傳為丞丞相屬朱贛見侍曹陳遵

從史匡衡傳遣從史掾史翟方進傳壽昌案掾史屬官之

石餘掾比三百石屬比宰士翟方進傳顏注謂丞相掾史

二百石正曰掾副曰屬宰士為宰士者言其宰相之屬官

而位為士臣壽昌案據此宰計相張蒼為計相一月更以

士即掾史一官而兩稱也相府領郡國上計者

太尉秦官掌武事

壽昌案月令孟夏之月命太尉贊桀俊鄭注三王之官有司馬無太尉秦官則有太尉孔疏案書傳有司馬公司徒

公司空公領三卿此夏制也案曲禮下云司徒司馬司士
司寇此殷制也周禮則有夏官司馬是三王有司馬無太
尉案中侯握河紀云舜為太尉此堯時置之三王不置也
壽昌案自孝武元狩四年初置大司馬後省太尉不復置
即仿此制太尉在漢初亦省置無恆高帝二年太尉長安
侯盧綰五年罷太尉官十一年周勃為太尉後官省史記
將相
表惠帝六年置太尉官以勃為之周勃傳本書及史記功
家皆云六年而史記功
臣表云高后四年為太尉又將相表云高后四年置太尉
太尉官絳侯為太尉皆與此表不合宜從世家及此孝文
三年罷太尉官屬丞相本紀孝景三年置太尉官史記將相
表本書周
亞夫傳七年罷太尉官本紀孝武建元元年置太尉二年罷太
尉官史記將
相表成帝綏和元年初賜大司馬去將軍哀帝建
平二年復去大司馬冠將軍如故元壽二年復賜大司馬

去將軍位在司徒上本表又太尉及改置大司馬後屬官散

見本書者 大司馬司直平帝紀召金欽為大司馬司直

太尉史張戎見滿通志漢舊儀武帝元狩五年初置功曹大將軍王鳳西曹掾樓

傳 大司馬掾孝平紀議曹吏大司馬史高辟門下史大司馬

軍王音召楊雄主簿大司馬王商辟杜鄴

御史大夫秦官位上卿掌副丞相成帝綏和元年更名大司

司空哀帝建平二年復為御史大夫元壽二年復為大司空

漢舊儀云侍御史周官也朱一新曰御史周官御史大夫

秦官也壽昌案朱說是也考史記秦初并天下尚以丞相

御史連稱至二世元年二世東行刻石有御史大夫臣德

其後秦金石刻如秦權琅邪臺碑嶧山秦山等碑皆有御

史大夫臣德名蓋其官實設於秦二世時也結銜在左右

丞相下秩甚尊漢列御史大夫於三公卽承秦制也御

史大夫之屬官散見本書者御史中丞從事于定國傳

丞從事治符璽御史周昌傳趙堯治書御史表云御史治

反者獄符璽御史有印綬晉志治監軍御史胡建御史大夫掾何並大司空

書御史掌律令御史大夫掾宣爲西曹掾主簿御史大夫張忠命孫少

掾蕭望之使少史冠法冠爲妻御史屬補屬食貨志故御

史先引蘇林曰曹史之下者御史屬補屬食貨志故御

史屬徐宮匡衡補御史百石屬旬奴侍謁者韓延壽傳望

太傅古官高后元年初置後省八年復置後省哀帝元壽二

年復置位在三公上

壽昌案高后元年置太傅王陵以右丞相遷八年復置則

審食其由左丞相遷史記將相表哀帝元壽二年復置則

本書王陵傳

孔光王莽遞任之表不言其置官屬以位在三公上統之也案孔光傳徙光爲帝太傅位四輔給事中領宿衛供養行內署門戶省服御食物又光歸老于第官屬案職如故此皆置官屬之證

太師太保皆古官平帝元始元年皆初置太師位在太傅上太保次太傅

孔光爲太師

本傳

光死馬宮任

本傳又云王莽篡位以宮爲太子師

王舜爲太

保

平帝紀張晏注

光由太傅遷太師知太師位在太傅上也

前後左右將軍皆周末官秦因之位上卿

壽昌案北堂書鈔設官部引漢官儀云將軍周官也趙王以李牧爲將軍破秦始受大名王翦灌嬰並爲之又云漢興置大將軍位丞相上御覽引漢官儀云漢興驃騎將軍

位次丞相是以漢百官志云秩與大將軍同今志無此語

御覽引表云前後左右將軍位亞上卿續漢百官志引漢

儀左右前後將軍位次上卿此脫亞次等字案漢拜大將

車高帝時韓信景帝時皆位在諸公上武帝元狩四年置

大司馬位大將軍驃騎將軍皆為大司馬霍去病傳後漢志云

初武帝以衛青數征伐有功為大將軍欲尊寵之以古尊

官惟有三公諸將軍始自秦晉以為卿號故置大司馬官

號以寵之其後霍光王鳳等皆然據此益徵將軍即上卿

不誤也前後左右將軍漢臣多為之不勝述其莫府惟右

將軍史見律厯志詔右將軍史雜候清臺無姓名大將軍

莫府官屬大將軍長史任宣霍光傳丙吉自軍市令遷大將軍軍中司

馬王鳳奏以王尊補莫府校尉霍光擅調益大將軍從事中郎王鳳

奏以陳大將軍軍監匈奴傳上治大將軍史王仲翁漢儒

湯為之衆等四人秩四給事大將軍莫府義護軍都尉武帝時屬大將軍府此

百石司直趙充國曾為之壽昌案大將軍亦有作軍中主將稱

者李廣利傳康居出匈奴成王與上官桀桀令四騎士

多別將故謂貳師為大將軍驃騎將軍武帝元狩四年置大司馬位大將軍驃騎將軍

皆為大司馬定令秩祿與大將軍等霍去病傳莫府官屬票

騎將軍司馬趙破鷹擊司馬霍去病傳票姚校尉霍去病

驃騎將軍史朱宇藝車騎將軍蔡寅功臣表新執傳高帝八年遷薄昭見本表

傳宣帝地節三年拜安世為大司馬車騎將軍領尚書事

七月罷車騎將軍王音以外莫府官屬車騎將軍長史趙充國

親宜與兵馬人為將軍韓昌馬唐拜車騎從事中郎大司

遷議曹史衛車騎都尉及郡國車士

騎將軍王音選置從事母將隆車騎將軍市令丙吉車騎將軍掾王彞表奏云敵

為車騎將軍千人王莽傳上扈雲師古曰千人官名

衛將軍王恬敗功臣表宋昌莫府官屬衛將軍舍人史記

衛將軍舍人百餘人田仁衛將軍掾蕭

以壯勇為衛將軍舍人魏晉以來所稱

列將軍魏晉以來所稱上將軍樊噲見季布傳呂祿高游擊將軍陳孫功臣表將

屯將軍屬國捍文帝紀史記將相復土將軍張武文帝紀

見本表下有官屬哀帝崩蕭由為復驍騎將軍李廣武帝

驍騎都尉元后崩原涉為復土都尉驍騎將軍韓安輕車將軍李

記功臣表董忠為梟騎都尉護軍將軍國傳輕車將軍蔡

公孫賀有官材官將軍李息武帝騎將軍武紀監軍將

屬輕車都尉材官將軍李息武帝騎將軍武紀軍楊僕南

軍胡建伏波將軍路博德南粵傳有官屬樓舡將軍樓舡將軍楊僕南

戈舡將軍歸義越侯下賴將軍甲武橫海將軍韓說武帝

橫海校尉福東傳浮沮將軍武帝紀匈奴將軍趙破奴十二部將

軍元封元年巡拔胡將軍郭昌中將軍公孫敖因扞將軍公孫敖

貳師將軍李廣利傳又云武帝拜習者二人浚稽將軍趙破

奴武帝紀疆弩將軍武帝立十七歲李沮以左內史為之又韓

德為強弩都尉皆官屬度遼將軍范明友虎牙將軍田順宣蒲類將

軍趙充國祁連將軍田廣明破羌將軍辛武賢宣帝護羌

將軍王尊為護羌將軍轉校尉師古曰為校奮威將軍太

任千秋元帝紀而馬建威將軍韓安步兵將軍王駿平帝

文成將軍少翁封五利將軍樂大天士將軍地士將軍大

通將軍上天通將軍封禪書

別將其越將齊將趙將楚

郎騎將丁義呂馬童特將陳慎將爰重將宣廢將張城將

郭戶將達弩將室中亞將唐厲騎將傅寬召歐二隊將陳

三隊將戎刺客將陳樓煩將復右林將瘳

最莫府官屬

軍正王平軍正丞胡建傳天漢中建守軍正丞師古都尉

見蕭何長鉦都尉周龐史記軍門都尉周亞校司馬趙充

諸校輕騎校尉衛青傳營軍司馬車騎將軍王音請軍司

馬楊敞給事大將軍左司馬孔聚曹右司馬陳胥騎司馬王

人車司馬王競軍司空杜延軍司空令馮奉世為之軍候假

丞陳湯傳將軍舍人魏尚饗軍軍武庫令杜欽為之門尉

形軍匠成職志昌駢麟益說衛前人以上俱見功臣表若

不入隊率申屠嘉材官隊史功臣表棘邱侯襄執予侯朱

進以執塞路郭亭師古曰主遮

奉常秦官掌宗廟儀禮景帝中六年更名太常

北堂書鈔設官部引漢官儀云百官公卿表云太常古官

初學記亦引漢書曰太常古官云御覽引作古官也今表

云奉常秦官與古本異漢無極山碑有云大尙承書從事

大尙卽太常也初學記引宋百官春秋云秦置奉常漢祖

更名太常

史記叔孫通傳高
帝拜通爲太常

惠帝又曰奉常景帝又曰太

常劉熙釋名云漢置十二卿太常太僕衛尉光祿勳宗正

執金吾大司農少府大鴻臚廷尉大長秋將作大匠韋昭

辨云漢正卿九太常光祿衛尉太僕廷尉鴻臚宗正司農

少府是爲九卿執金吾本故中尉徼循宮外司執奸邪至

武帝更名執金吾爲外卿不在九卿大匠次金吾長秋自

皇后官非天子員卿又案韋元成傳恤我九列陳蕃上疏

備位九列春秋漢舍孽曰九卿法河海北斗足徵是九卿
無十二也

太史

漢書張衡傳注引漢官儀云太史令屬太常秩六百石掌
天時星厯凡歲奏新年厯與國祭祀喪娶之事奏良日國
有瑞應災祥掌記之司馬遷傳談爲太史公注如氏曰漢
儀注太史公武帝置位在丞相上翟鴻機云西京雜記引
如氏此注云位在丞相
下天下計書先上太史公副上丞相序事如古春秋遷死
後宣帝以其官爲令行太史公文書而已師古曰談爲太
史令遷尊其父故謂之公如說非也晉灼曰百官表無太
史公在丞相上又衛宏所說多不實未可以爲正李慈銘
曰秦漢故事太史令稱公故或從官曹之稱則曰太史公

或從私家之稱則曰余當時官文書自有太史公之稱而不見百官表志者亦猶後代官曹相稱不見官制者多矣或謂太史公者子長自稱其父談或謂後人追尊子長而加公字皆非也其屬官除表所載尙有散見本書者

太常據朱博太常掌故鼂錯太史掌故儒林傳房鳳史書令史藝文志

待詔律麻志李信大典星律麻志射姓治麻律麻志鄧平望氣李廣傳王朔望

氣佐郊祀志日官張衡傳再轉復爲太史令高廟僕射王莽傳上

廟郎功臣表江德坐廟郎寢郎馮參園郎班羅又金敞傳云

爲圓禮官大夫徐生以須爲曲臺署長孟喜

博士秦官掌通古今武帝建元五年初置五經博士宣帝黃

龍五年稍增員十二人元帝永光元年分諸陵邑屬三輔

壽昌案晉職官志太常博士魏官也大約以太常博士連

稱始自魏不單稱博士也通典云博士魏官也則承晉志而誤博士官實始自秦史記秦博士七十人備員弗用伏生爲秦博士始皇三十四年博士僕射周青臣皆可證玉海引孔襄爲惠帝博士文選注漢文帝時賈誼爲博士趙岐孟子題辭云孝文皇帝欲廣游學之路論語孝經孟子爾雅皆置博士從罷傳記博士獨立五經漢舊儀文帝時博士七十餘人朝服元端章甫冠爲待詔博士壽昌又案本書儒林傳贊曰武帝立五經博士書惟有歐陽禮后蒼易楊何春秋公羊而已蓋詩在文景時已立博士楚元王傳文帝時聞申公爲詩精以爲博士儒林傳韓嬰文帝時爲博士轅固景帝時爲博士翟酺所謂文帝始置一經博士卽此今本後漢書作始置五經博士據王氏玉海引此作一經是宋時後漢書本也武帝時復立四經故稱五經博士也宣帝復立大小夏侯

尚書施孟梁邱易穀梁春秋大小戴禮元帝復立京氏易
平帝又立左氏春秋毛詩逸禮古文尚書玉海云文帝時
申公韓嬰皆以詩爲博士所謂魯詩韓詩景帝時轅固爲
博士所謂齊詩雖置博士亦猶孟子爾雅置博士未名曰
詩博士孟子博士爾雅博士也建元之置五經博士乃置
書禮易春秋博士與詩爲五始有書博士詩博士之名案
文帝以賈誼爲博士初不曰左氏博士宣帝以江公之孫
爲博士授穀梁未名穀梁博士至甘露三年始置穀梁博
士此二事可以爲驗

博士弟子員武帝時置五十人昭帝時增滿百人宣帝末
增倍之元帝時更爲設員千人成帝時增至
三千人歲餘復歌吹諸生王式傳注如氏曰其學官自
有此法酒坐歌吹以相樂也寫
如故見儒林傳
書官藝文志孝武世書缺簡脫於稗官
是建藏書之策置爲書之官稗官藝文志小說家出
於稗官注如氏曰

王者欲知閭巷風俗
故立裨官使稱說之

郎中令秦官掌宮殿掖門戶武帝太初元年更名光祿勳

戰國策秦昭王時已有郎中之名玉海引如氏注郎中令

府在宮中光祿勳於昭帝元鳳元年并右將軍元帝初元

元年并前將軍表下其屬官除表外散見本書者掾

光祿勳于永主事張安世傳為光祿勳請室令續志光祿

除王嘉為掾主事郎醉主事白行法請室令後漢楊秉傳注

令賈誼傳造請室注蘇林曰胡公靜室令引前書音義曰

漢有靜室令大夫掌論議有太中大夫中大夫諫大夫皆無員多至數十

人武帝元狩五年初置諫大夫秩比八百石太初元年更名

中大夫為光祿大夫秩比二千石太中大夫秩比千石如故

壽昌案後書百官志光祿大夫比二千石本注曰無員補

注引漢官曰三人太中大夫千石本注曰無員補注引漢官曰二十人秩比二千石中散大夫六百石本注曰無員補注引漢官曰三十人秩比二千石諫議大夫六百石本注曰無員補注引胡廣曰光祿大夫本爲中大夫武帝元狩五年置諫大夫爲光祿大夫世祖中興以爲諫議大夫又有太中中散大夫此四等於古皆爲天子之下大夫視列國之上卿漢官曰三十人是中興後祿秩有增損員數有限制宜與本表不合惟案光祿大夫僅見夏侯勝傳爲文學光祿大夫表中則屢見中散大夫蕭由曾爲之見蕭由傳今表闕此官疑漏略也

郎掌守門戶出充車騎 尙書陳忠薦周興曰光祿郎周興云云注光祿主郎故曰光祿郎玉海云郎選其途非一

有以父兄任子弟爲郎者如張安世爰盎是也有以富訾爲郎者漢儀注謂訾五百萬得爲常侍郎如張釋之司馬相如是也有以獻策上書爲郎者婁敬主父偃是也有以孝著爲郎者馮唐是也董仲舒云吏二千石子弟選郎吏又以富訾者蓋多出此二塗案食貨志云入財者得補郎

郎選衰矣

其散見本書者

外郎

惠帝紀外郎滿六歲賜爵二級注蘇林曰

外郎也

山郎

楊惲傳注張晏曰山財郎署長

馮唐爲郎中

署長師古曰

爲郎中而爲郎署之長爰盎傳上幸

車郎

藝文志車郎張

上林郎署長布席引卻慎夫人坐

日車

輦郎

劉向

戶衛

功臣表郭蒙王嘉傳嘉爲

郎中

騎千

人

功臣表

郎中

騎

其石

騎郎

張釋之公

郎騎

毛釋

常侍

騎

楊

爲郎補常侍騎師古

騎郎

功臣表王

郎中

騎將

樊

戲車

衛

車爲郎

衛

車

衛

車

爲郎

衛

車

爲郎

衛

車

爲郎

衛

車

議郎 續志凡郎官皆主更直執戟宿衛諸殿門出充車
騎惟議郎不在直中

謁者 功臣表大謁者劉襄張釋卿續志云初爲灌謁者
滿歲爲給事謁者荀綽晉百官表注曰漢用孝廉年五十
威容儼恪能賓者爲之明帝詔曰謁者乃堯之尊官所以
試舜賓于四門四門穆穆者也漢儀曰選儀容端正任奉
使者

期門 服虔曰與期門下以微行後遂以名官霍光傳期
門董忠李廣利傳車令

匈奴殺期門車令注
文穎曰車令姓名也

羽林郎 續志云本武帝以便馬從獵還宿殿陛嚴下室
中故號嚴郎案漢時常選漢陽隴西安定北地上郡西河
凡六郡良家補故世稱六郡良家子

趙充國傳

文帝時鄧通爲

羽林黃頭郎

僕射秦官自侍中尙書博士郎皆有軍屯吏騶宰永巷宮人皆有取其領事之號

案晉職官志云僕射漢本置一人至漢獻帝建安四年以執金吾榮邵爲尙書左僕射僕射分置左右蓋自此始續百官志云尙書僕射一人六百石注昭案獻帝分置左右

僕射建安四年以榮邵

不作邵

爲尙書僕射是也獻帝起居

注曰邵卒官贈執金吾晉志蓋本此微有異同而本表所云僕射無專官皆繫銜於所領事上不專屬尙書亦不止一人也

衛尉秦官掌宮門衛屯兵景帝初更名中大夫令後元年復爲衛尉

壽昌案李廣爲未央衛尉韋元成亦爲之宣帝地節三年
未央衛尉范明友見霍光傳表云長樂建章甘泉衛尉皆
掌其宮獨無未央蓋闕也朱一新曰非闕也此之衛尉卽
未央宮衛尉以天子常居未央不必以宮名繫官也然案
李韋范三人皆稱未央衛尉不盡不繫宮名也又田蚡曰
程李俱東西宮衛尉時程不識爲長樂衛尉李廣爲未央
衛尉長樂稱東宮未央稱西宮也其屬官除表外散見本
書者 太上皇衛酈商傳還以將長樂司馬可臣律厯志
樂宮四面皆有公車司馬門每門元帝紀谷吉大
各二司馬此卽入屯司馬之一也衛司馬鄭吉蓋寬饒
誰長令見公車大誰卒五行志王褒故公車大誰卒注服
日大誰者主問非常之人云姓名是誰也本以誰何稱因
用官名有大誰長令此卒者長所領士卒也應劭曰在司
馬殿長樂屯衛司馬馮遂候司馬蓋寬饒長樂戶將尹更建章
門

監衛青給事建章

衛執盾

惠帝紀又功臣表孔聚

執戟

惠帝紀

武士

應劭

日力士也高祖使

主簿

漢官儀鹵簿篇衛尉駕四馬主簿前車八乘

驛

惠帝紀驛師古曰

武士縛韓信是也本廐之馭者後又令為騎因謂驛騎也東方朔傳給驛侏儒

太僕秦官掌輿馬

注應劭曰周穆王所置也壽昌案書序周命曰穆王命伯

冏為周太僕正作冏命周禮太僕正掌王之服位出入王

之大命是太僕為周官非秦官其屬官除表外散見本書

者駿馬監

傅介子

平樂廐監

同上

長樂廐丞

續志

移中監

蘇武

日移中廐名如氏日移園之中馬廐

廐司御

夏侯嬰為

農官

食貨志武帝水衡少府太僕大

農各置農官

廷尉秦官掌刑辟景帝中六年更名大理武帝建元四年復

為廷尉

史記秦廷尉斯韓詩外傳晉文公使李離為理呂氏春秋

齊宏章為大理說苑楚廷理新序石奢為大理是各國皆

名理或名大理獨秦稱廷尉也其屬官除表外散見本書

者 典法掾史朱博傳為廷尉召見正監典法掾史廷尉史弟子治尚書春秋補廷尉史見張湯傳又路溫舒奏曹掾守廷尉史于定國郡決曹補廷尉史奏讞掾兒寬奏曹掾

路溫舒兒寬為之從史寬廷尉文學卒史兒寬以掌書

佐薛宣少為廷尉書佐

典客秦官掌諸歸義蠻夷景帝中六年更名大行令蘇昌案

帝紀無武帝太初元年更名大鴻臚武帝太初元年更名行

人為大行令壽昌案史記景帝紀中六年更命大行為行人

其屬官除表外散見本書者 主客成帝時金敞弟金岑為主客服虔曰官名

主胡客屬大鴻臚文學平當治禮丞功次補大行治禮王莽傳公賓就故大行治

大鴻臚

禮 大行治禮丞

蕭望之平當

大行卒史

儒林傳

主簿

六典注漢官儀鹵簿篇鴻

臚駕四馬主簿導

宗正秦官掌親屬平帝元始四年更名宗伯

壽昌案本紀高帝七年始置宗正以序九族平帝紀元始

五年詔宗室自太上皇以來族親各以世氏郡國置宗師

以糾之又令考察不從教令有寃失職者宗師因郵亭書

言宗伯請以聞是宗師在各王侯國掌其屬籍若宗伯之

副而非屬也其屬官除表外散見本書者

主簿

東方朔傳昭平

君醉殺主簿

中府

東方朔傳節陶公主中府師古曰中府掌金帛之藏

舍人

周長孺師古曰舍人家

也主家事者也

治粟內史秦官掌穀貨有兩丞

壽昌案宣帝紀五鳳四年中丞耿壽昌食貨志中丞桑宏

羊成帝紀永始二年中丞王閎律歷志中丞麻光是其丞亦稱中丞矣

景帝後元年更名大農

令武帝太初元年更名大司農駿粟都尉武帝軍官不常置
案高帝時韓信初為治粟都尉即此武帝太初二年上官桀
李廣利傳天漢元年桑宏羊以大司農貶任此官楊敞霍光
傳并燕刺王傳趙過
食貨志武帝末年

其屬官除表外散見本書者 大司農中丞管諸會計事

食貨志下 典主 成帝紀詔王閎師古曰司農
桑宏羊 中丞主錢穀雇庸故云典主 大司農部丞

食貨志桑宏羊請置大農部丞數十人分主郡
國平帝紀元始元年置大司農部丞十三人 大司農史

蕭望之 大司農斗食屬 薛
傳李宮 宣 農官 食貨志武帝時水衡少推

酤官 昭帝紀始
元元年罷 養濟官 食貨志
即職也 工巧奴 食貨志大農置

交易丞 食貨志下五方皆
置交易丞五人 甘泉食長 張
敞 壽昌又案本表屬

官均輸有令丞無長而黃霸傳察補河東均輸長是有長

矣表脫也

少府秦官掌山河地澤之稅以給共養

養天子也表內屬官最衆其他散見本書者

傳用丁丹明爲御父宣中傅引蕭該音義日中傅宦者也尙符

聖郎見霍光傳太醫監霍光傳乳醫淳于衍○案許后傳產乳之疾蓋女疾

子爲乳醫故能入
宮侍皇太后疾也
私官張湯傳服虔注私
侍醫藝文志侍
醫李柱國

校方書師古曰侍天
子之醫貢禹轉司
大官獻食丞
大官獻丞
張勅蘇林
曰生貢獻

物
食監昌邑王詔大官
尚食惠帝紀尚食監
尚席周亞夫

注省中有五尚曰尚食尚冠尚衣尚樂府音監張放傳音
尚養後遂省併尚食於太宮場宮監監景試子監

康日監樂府游徽同師古曰樂府游徽令史同上東織室令

史張敞見宣帝中書僕射石黃門倡車中丞藝倡監東方馬

監金日黃門令左曹右曹皆日上朝謁秩四百石黃門

郎黃門令日暮入對青黃門駙馬蘇武傳宦騎與黃門

莫雪士交甫

卷十一

十五

五洲大藥房

子駟馬之在黃門書者假史王商藝文志狗監蜀人楊得意

獵給事狗監李延年鉤盾冗從李步昌尚方待詔志下掖庭

獄丞籍武趙掖庭牛官令趙后掖庭戶衛許后少內齋夫

丙吉傳注掖庭一作薄室師古曰掖暴室令一作薄室師古曰掖農官食貨志

主府藏之官曹參如氏注協律都尉李延年海丞平帝紀元始元

官中涓如中謁者也稅果丞同上掌採珠玉金銀之官貢禹長安尉官郊祀

成帝建始四年更名中書謁者令為中謁者令初置尚書

員五人有四丞案六典云本尚書也自武帝游宴後庭

故用宦者主中書司馬遷為中書令即其任也臣瓚曰漢

初中人有中謁者令武帝加中書置僕射案元帝初元中

前將軍蕭望之領尚書事奏云尚書百官之本國家樞機

用宦者非古制宜罷宦官不聽如氏曰主天子物曰尚主

文書曰尚書成帝紀建始四年春罷中書宦官初置尚書

員五人注漢舊儀云尚書四人為四曹常侍尚書主丞相

御史事二千石尚書主刺史二千石事戶曹尚書主庶人

上書事主客尚書主外國事成帝置五人有三公曹主斷

獄事晉志漢武時左右曹諸吏分平尚書奏事知樞要者

始領尚書事

霍光以大將軍張安世史高王音以車騎王鳳以大司馬蕭望之以前將軍師丹以左將

軍周堪孔光以光祿勳張禹鄭寬中以前將軍師丹以左將

奉車都尉并領尚書事薛宣給事中視尚書事光祿

大夫于定國大中大

其他散見本書者 尚書令 平帝紀姚

大張敞平尚書事

伯霍光傳尚書令讀奏黃 尚書郎 史記功臣表王遷漢儀

霸傳尚書令受丞相對

臺試初上臺稱守尚書郎中 尚書史 藝文志 給事尚書 張安

歲滿稱尚書郎三年稱侍郎

郎用善書 給事尚書 世為

中尉秦官掌徼循京師武帝太初元年更名執金吾

壽昌案高帝功臣表曲成圉侯蟲達以西城戶將三十七

人從起碭至霸上爲執金吾是漢初本有此官名不知主

何職武帝特復此名耳其他見者備盜賊中尉史記淮南王傳

備盜賊中尉臣福薛都船獄中宣執金吾候陳茂見平帝紀

太子太傅少傅古官

禮文王世子太傅在前少傅在後後書楊終傳禮制人君

之子年八歲爲置少傅教之書計以開其明十五置太傅

教之經典以道其志荀悅漢紀秩比二千石續志太子太

傅秩中二千石太子少傅秩二千石胡三省曰古世子有

三師三少至漢惟太傅少傅耳壽昌案疏廣傳可證其他

見者太子中庶子史丹王商馮野王金敞太子御驂乘惠帝護太

子家元帝詔史丹

將作少府秦官掌治宮室景帝中六年更名將作大匠

壽昌案卽周禮匠人之職高后功臣表梧齊侯陽城延以軍匠從起後爲少府是初卽名軍匠也許商爲將作大匠見溝洫志

詹事秦官掌皇后太子家成帝鴻嘉三年省詹事官并屬大長秋長信詹事掌皇太后宮景帝中六年更名長信少府平帝元始四年更名長樂少府

案哀帝紀尊定陶太后曰恭皇太后丁姬曰恭太后各置左右詹事外戚傳建平二年尊傅太后爲帝太太后丁后爲帝太后後又更號帝太太后爲皇太太后稱永信宮帝太后稱中安宮與成帝母太皇太后成帝趙后爲皇太后并四太后各置少府太僕秩皆中二千石其他見者長

信太僕

王莽傳此即哀帝所置四大僕之一也

長樂衛尉

呂后紀見衛尉條

長樂長

御王莽

太子御驂乘

見惠紀

長信庭林表

敘傳師古曰林表官名孟康曰女官

也林表宋祁曰晉灼云應劭書作材表宮人之有材者

表其師也張晏曰林君也表外也於宮外傳威儀也

廢令

桑宏羊三輔黃圖中廢皇后車馬所在

中御府令

霍光傳高昌

中少府

王昌韓勳

師古曰

舍人

功臣表成陶侯周信為呂氏舍人

典屬國秦官掌蠻夷降者武帝元狩三年昆邪王降復增屬國置都尉丞候千人屬官九譯令成帝河平元年省并大鴻臚

臚

壽昌案武帝紀元狩二年秋匈奴昆邪王殺休屠王並將其衆合四萬餘人來降置五屬國處之此作三年恐誤五屬國者安定天水上郡西河五原也又宣帝紀神爵二年置金城屬國以處降羌五鳳三年置西河北地屬國以處

匈奴降者凡屬國皆以都尉治之

千長

匈奴傳屬國千長義渠王騎士

師古曰千長者千人之長也

御羞

注如氏曰御羞地名也在藍田其土肥沃多出御物可進者揚雄謂之御宿元后傳作御宿三輔黃圖御羞宜春皆苑名也錢泰吉云御羞與禁園連類而言則是出珍羞之地名如說在藍田者爲近不得指御宿川以當之也壽昌案錢說是也考三輔黃圖云御宿苑在長安城南御宿川中漢武帝爲離宮別館禁禦人不得入往來游觀止宿其中故曰御宿三秦記云御宿園如氏以羞宿音近當之殊爲誤證

水衡都尉掌上林苑武帝元鼎二年初置

其屬官他見者

虎圈齋夫

上林尉屬張釋之傳

韓濯士

劉屈氂傳農官

食貨志見前

領護三輔都水

息夫躬劉向

內史周官秦因之掌治京師景帝二年分置左內史右內史武帝太初元年更名京兆尹左內史更名左馮翊

主爵中尉秦官掌列侯景帝中六年更名都尉武帝太初元年更名右扶風元鼎四年更置三輔都尉

三輔長

成帝紀

凡三輔屬官俱見後

護軍都尉秦官武帝元狩四年屬大司馬成帝綏和元年居大司馬府比司直哀帝元壽元年更名司寇平帝元始元年更名護軍

護軍中尉

高帝時陳平使盡護諸將見本傳又隨何

護軍射師

藝文志王賀

護軍校

尉胡建護軍司馬傅

司隸校尉周官武帝征和四年初置持節元帝初元四年去節成帝元延四年省綏和二年哀帝復置但爲司隸屬大司空比司直

壽昌案司隸去節自諸葛豐始見本傳其別見屬官從

事

鮑宣傳

掾趙后傳司隸解光遣從事掾

史

見

假佐

王尊傳假佐放

城門校尉掌京師城門屯兵有司馬十二城門候

領城門兵

孔光爲太師王音爲特進皆領城門兵置莫府得舉吏如將軍

城門令史

王莽傳王

興小苑東門候

蕭望之

中壘校尉掌北軍壘門內外掌西域注師古曰掌北軍壘門之內而又外掌西域壽昌案顏從內字斷句非也豈有掌北軍壘內而不及壘外者乎宜從掌字讀起凡表內各官俱明所掌也掌西域是加一事也屯騎校尉掌騎士步

兵校尉掌上林苑門屯兵越騎校尉掌越騎長水校尉掌
長水宣曲胡騎又有胡騎校尉掌池陽胡騎不常置射聲
校尉掌待詔射聲士虎賁校尉掌輕車凡八校尉皆武帝
初置 案姚天麟云中壘校尉掌北軍則知八校皆北軍
也東都五營卽八校之併省者而後書每有北軍五校之
稱則八校屬北軍益明矣

監北軍使者

劉屈氂傳任安

北軍錢官

史記任安答辱北軍錢官

迹射士

王尊傳拜

故宏農太守傅剛爲校尉將迹射士千人逐捕歸右

日言能尋迹而射取之也觀下文知剛爲步兵校尉

西域都護加官宣帝地節二年初置壽昌案西域傳云吉
爲遠安侯是歲神爵三年也乃因使吉並護北道故號曰
都護又案鄭吉傳神爵中匈奴乖亂又宣帝詔曰都護西
域騎都尉鄭吉云云是都護加官實始鄭吉應云宣帝神

爵三年初置此云地節二年恐誤屬官別見 陽威白虎

合騎之校陳湯斬郅支益置陽威屯田校尉西域渠犂田

卒同北假田官元帝紀伊循都尉西域傳司馬同護苑使者司

馬王音薦長史谷永為之

戊己校尉元帝初元元年置 戊己校尉史王莽傳中陳良終帶

奉車都尉掌御乘輿車駙馬都尉掌駙馬皆武帝初置

壽昌案武帝紀後元元年侍中僕射莽何羅之亂侍中駙

馬都尉金日磾奉車都尉霍光討之蓋武帝末年也逾一

年為孝昭元年以侍中奉車都尉霍光為大司馬大將軍

受遺詔輔少主車騎將軍金日磾為副是雖武帝初所置

官實於此二人始顯

侍中左右曹諸吏散騎中常侍皆加官壽昌案上所引霍

光金日磾皆加侍中可證侍中衛尉金安上蕭望之傳宣
帝時蘇武杜延年爲右曹張延壽爲左曹王尊爲左曹中
郎將宣帝時楊惲爲諸吏光祿勳諸吏富平侯張延壽張
霸爲散騎中郎將劉更生爲散騎諫大夫中常侍得入禁
中王閔曾爲之見董賢傳朱穆曰漢初故事參用士人建
武以後乃用宦者非復西京之制矣

爵一級曰公士二上造三簪褭四不更五大夫六官大夫七
公大夫八公乘九五大夫十左庶長十一右庶長十二左更
十三中更十四右更十五少上造十六大上造十七駟車庶
長十八大庶長十九關內侯二十徹侯

壽昌案衛宏漢官舊儀云漢承秦爵二十等以賜天下爵
者祿位也其五大夫九爵一條下云賜爵九級爲五大夫

以上次年德爲官長將率秦制爵等生以爲祿位死以爲
號諡注云案百官志注引荀綽晉百官表注曰自公士至
五大夫皆軍吏也自左庶長至大庶皆卿大夫皆將軍也
此條所云官長將率祿位諡號非專指軍吏之辭似當在
二十爵一條下爲總結之文或者錯簡在此耳又引令曰
秦時爵大夫以上令與亢禮壽昌案此二十等大抵除賜
民爵一級外餘皆賞功或功臣子孫降襲之爵如功臣表
平陽侯曹參七世孫杜陵公乘喜詔復家九世孫本始以
杜陵公士紹封信武侯斬欽六世孫長安上造詔復家汝
陰侯夏侯嬰六世孫長安大夫信詔復家皆是他可類推
漢初舊爵之存其名者 上聞樊噲自公大執帛曹參傳
曰孤卿也參由七大夫五大夫賜執珪
賜爵執帛夏侯嬰由五大夫賜執珪
伯執珪參由執帛遷

為執珪夏

侯嬰同

卿樊噲由五大夫賜爵卿

封君

凡由君封侯王者不錄

侯公為平國君

樂叔號華成君

樂毅孫高帝十年封之樂鄉號華成君

酈食其號廣野君

高祖為沛公時封之

叔孫通號稷嗣君

孔霸

號褒成君

堂邑父為奉使君

張騫傳

靡忘為獻牛君

趙充

國傳

諸侯王高帝初置掌治其國

有太傅內史中尉丞相羣卿大夫如漢朝景帝中五年令

諸侯王不得復治國天子為置吏改丞相曰相省御史大

夫廷尉少府宗正博士官大夫謁者郎諸官長丞皆省其

員武帝損其郎中令秩千石改太僕曰僕

成帝綏和元年省內史更令相治民如郡太守中尉如郡都

尉

壽昌案此從丞相翟方進御史大夫司空何武之奏也方
進武奏言中尉官罷職并內史今內史位卑而權重威職
相踰不統尊者難以爲治臣請相如太守內史如都尉云
云制曰可見何武傳王官散見者甚多 宗師成帝紀相掾

梁平王襄傳舍人魏勃掃齊舍人門從史袁盜內史丞藝文志河間內史丞王定

史掾廣川侍御史太倉公傳齊大中大夫史記年表薄昭中大夫

太倉公傳齊中中郎曹將立傳梁王中郎伍被爲淮侍郎王尊

大夫病齟齬中郎曹將立傳梁王中郎伍被爲淮侍郎王尊

衛士長昌邑殿長王尊太倉令齊太倉令宰人龔遂傳昌

人游戲私府長路溫舒遷廣中御府長太倉公傳齊中謁

者東平王傳黃門郎師丹傳黃太官令燕王食官長梁王

尚食監馮唐傳永巷長太倉宦者齊王中傳武帝濟川王

太傅中燕王旦傳醫工長太倉公傳傳醫同尚方郊祀志少史王河間

少史霍光傳侍中昌邑王常侍楚王聘龔長史梁平王傳

留貴書問侍中君卿常侍舍為常侍長史欲以傷梁

長司馬司空太倉公傳齊淳子太子師傅吳王大將軍

吳田祿伯將軍齊王襄以魏勃為將軍關內侯霍光傳姊

為大將軍又丁寬為梁孝王將軍關內侯夫昌邑關

內左右閣都尉太倉公大與成侯董胡為濟川大冗從侯

為梁王使太醫黃國瑾云亦見太倉公傳

與冗從爭太醫徐天麟采入似不必去

王國內官夫人王傳美人淮南才人同八子高五孺子

中山家人子景十三永巷僕射婢為僕射主永巷張敞

王傳景十三永巷僕射婢為僕射主永巷張敞

監御史秦官掌監郡漢省武帝元封五年初置部刺史秩六

傳隨何使淮南

異姓諸侯王國官偶見者 中大夫淮南王布中太宰布

至太宰主之

百石成帝綏和元年更名牧秩二千石哀帝建平二年復爲刺史元壽二年復爲牧

壽昌案高祖本紀秦泗川監平將兵圍豐卽秦之監御史也又案薛宣傳成帝初爲中丞執法殿中外總部刺史是其時雖省監御史而察州之制仍歸御史中丞也韓延壽傳蕭望之遣御史案東郡亦是監御史之類又案朱博傳博奏云前丞相方進奏罷刺史更置州牧秩真二千石位次九卿九卿缺以高第補其中材則苟自守而已恐功效陵夷姦軌不禁臣請罷州牧置刺史如故奏可此成哀兩朝牧與刺史遞相更改之由其元壽二年復爲牧或卽哀紀是年止三公官分職正司直等職下云事未定帝崩之時耶案續志於成帝更爲牧下卽云建武十八年復爲刺

史脫去哀帝復刺史復爲牧一層豈王莽顓朝時政令紛更未可爲據耶

郡守秦官掌治其郡景帝中二年更名太守

壽昌案漢京兆尹雖與外郡太守同職而尹職中二千石

太守二千石其太守加秩則晉中二千石其尹外遷太守

者爲貶如京兆尹王昌貶爲鴈門太守甄遵貶爲河內太

守是也左馮翊右扶風與京兆尹同三輔屬官與外郡略

同因取本書內可據者稍爲序次於左 京兆掾杜建趙廣漢

長安游徼獄吏趙廣漢奏長安游徼二百石卒史黃霸入

官案此與上卽張敞賊曹掾薛宣傳張扶并有決曹掾薛

所云三輔尤異也傳王立亦有史王尊爲郡賊捕掾張敞傳門下督蕭章爲

決曹史路溫舒補決曹史尹翁歸傳豪強有論罪輸掌畜

門下京兆史陳遵掌畜官官注扶風畜牧所在有苑師之

畜張竦

都吏

武帝紀二千石遣都吏如氏日律說都吏

今督郵是開曹曉事即為文無害都吏

少府文翁

少府用度注郡掌財物

守屬監獄王守屬治獄上騎士

韓

之府以供太守者也

壽在東郡

給事太守府

咸宣以書佐給事河東守

司空

試騎士

為南陽太守犯法者以律程作

從事

王尊傳朱博

司空師古曰司空主作役官

從事

王尊傳朱博

正五長

韓延壽傳又置正五長注師古曰正若今之鄉正里正也

此為延壽在東郡太守

騎吏

門卒

時所置故仍歸郡屬

吏醫

治視

郡尉秦官掌佐守典武職甲卒秩比二千石景帝中二年更

名都尉

壽昌案元帝紀建昭三年夏令三輔都尉大郡都尉秩皆

二千石則不得以比二千石概之也

京輔都尉王尊傳

大夫守京輔都尉案地理志京兆華陰為京輔都尉尉護漕

治馮翊高陵為左輔都尉治扶風郿為右輔都尉尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

尉治

都尉

朱博徙為并州刺史護漕都尉

右輔都尉

東方朔傳建元三年右輔都尉

案三輔制於太初都尉置於元鼎而是時已有右輔都尉之稱豈史氏因左右內史省文以其後制書之耶

關都尉秦官農都尉屬國都尉皆武帝初置

案武帝紀天漢二年冬十一月詔關都尉曰今豪桀多遠

交依東方羣盜其謹察出入者函谷關都尉

張敞又何並傳子恢為關

都尉敦煌龍勒有陽關玉門關皆都尉治即關都尉也

農都尉

張掖郡番和農都尉治班况為上河農都

尉師古曰上河在西河富平為農都尉治

屬國都尉案武帝本紀元狩二年置

五屬國以其地為武威酒泉郡自此邊塞皆設都尉如隴

西之臨洮為南部都尉治酒泉之會水北部都尉治偃泉

障又東部都尉治東部障乾齊西部都尉治西部障敦煌

中部都尉治外如受降都尉

受降城田廣明傳

宜禾都尉

敦煌屬

皆

屬國都尉也凡近塞多有之詳本書地理志

郡國均輸鹽鐵官詳地理志

郡國別置官

齊三服官元帝紀哀帝紀貢禹傳其見三工官貢禹傳師

府屬官考地理志者陳留襄邑齊臨淄六廢技巧官元帝紀建始武庫令魏

室也案右工未詳六廢技巧官元帝紀建始武庫令魏

傳車千秋子為雒陽武庫令杜欽傳大將軍王鳳奏請欽

為大將軍軍武庫令職閒無事欽所好也續志武庫令一

人秩六百船司空主京兆屬師古日本桐馬官太原郡初名

石主兵器船司空主京兆屬師古日本桐馬官太原郡初名

牧師官遼東郡庫令成帝紀上發弩官南雲夢官南郡後改

郡西樓船官江陵官九江湖官同銅官丹陽金官桂陽

木官嚴道橘官忍巴郡胸復羞官南海郡園涯浦官南海中宿

地理志 田官元帝紀北假田官

縣令長皆秦官掌治其縣萬戶以上為令減萬戶為長皆有丞尉是為長吏斗食佐史為少吏

壽昌案韓延壽傳重使賢長吏嗇夫三老孝弟受其恥卽
謂令以下所屬文帝紀十二年其遣謁者勞賜三老孝者
帛人五匹悌者力田二匹析孝者悌者爲兩流如馮唐以
孝選爲郎亦其一也食貨志二千石遣令長三老力田是
孝弟力田各令所屬皆宜有而表中無之或因人而置無
則省也

縣令長掾史之屬 縣尉韓延壽傳守尉田廣明傳尉史田廣明傳

明傳蘇昌小史田廣明傳郎尉史廢嗇夫田廣明傳鄉有秩張敞

門下掾原涉傳王游公戶曹掾史尹賞爲長安令縣史衛青

以縣史給令史項羽傳陳嬰獄史于定國父于獄小史溫路

舒校經師紀平帝庠序孝經師同功曹朱博給事縣爲鄉史

尹賞部鄉吏亭長里正父老伍人里正上見里監門里監門求盜高紀應

時亭有兩卒一為亭父掌開閉
掃除一為求盜掌逐捕盜賊

列侯所食曰國皇太后皇后公主所食曰邑有蠻夷曰道

壽昌案國之載地理志自趙國至長沙凡二十國獨所謂

邑者地理志尙有其名而莫悉其孰為皇太后皇后所食

至公主所食縣則除鄂邑蓋長公主

昭帝姊

諸邑公主

武帝女與

陽石公主皆以巫蠱事下獄死見武紀及五行志

潁邑公主

元帝女

稱邑外如魯元

公主

高帝女

館陶長公主

文帝女

平陽

南宮

隆慮

景帝三女夷

安衛長公主

陽石

皆武帝女

館陶

敬武

宣帝二女

平都

平

陽

皆元帝女

凡見諸紀傳可考者並無邑稱至鄂邑諸邑潁邑

在地理志中俱一字名無邑字則或奪邑後省此名也

特進壽昌案外戚傳注引漢雜事諸侯功德優盛朝廷

所敬異者賜位特進位在三公上加一秩其在本傳可考

者王譚王商傳喜薛宣張禹 奉使官名 治獄使者內

令郭穰奉宗廟使袁盎為太常奉輔親戚使吳王弟子德

宣帝紀親戚使至吳與上稻田使者燕王河隄使者王延美俗使者

俱見吳王嚴行冤獄使者見張直指使者暴勝

以上皆因事置官已事即罷無常員故不列公卿百官表

中

附案尉史 士史田廣明傳尉史蘇昌徐天麟云漢律近

似皆關都尉屬宜補入黃國瑾附記

孫衍齡謹校